

occultum, ita quod nullus præter ipsum & ipsam affinem sciunt, & tunc præter peccatum nullam pœnam iuris incurrit, neq; ipse, neq; ipsa, secundum Ange. Incestus. §. 4. & secundum Sil. Luxuria. §. 4. qui adducit pro sua opinione Panormitanum, hoc dicentem in capitulo literis de presumptionibus. 27. q. 1. Si quis sponsam, & hoc dictum est rationabile, ne scilicet occultum peccatum denunciatur in publicum, quod esse non debet, secundum Sco. in. 4. dist. 15. & dist. 21. Ant incestus est aliqualiter notus putat per suam confessionem publicè factam, vel per euidentiam, vel per testes, & tunc talis incurrit duplicem pœnam. Prima est, quia exigere debitum ab uxore non potest, & si exigit peccat, reddere tamen tenetur petenti. c. 1. de eo qui cognoscit. confit. ux. suæ. Quæ quidem tripliciter petit. s. verbis, vel signis, vel sua complexione, qua prona est multum ad copulam carnalem, secundum August. de Ancho. ut eum allegat Sil. Debitum. §. 8. Et in utroque credendum est incestuoso in confess. quia nullus præsumitur immemor suæ salutis. 1. q. 7. Secunda pœna est quod mortua uxore non potest contrahere cum alia, ut dicitur in d. cap. 1. Fr. Ioannes Focher